

INTERVENCIÓN DE **CCOO** DE ASTURIAS EN LA FIRMA DE LA CONCERTACIÓN - OVIEDO, 19 DE SEPTIEMBRE DE 2024

Robla Concertación Social 2024-2027

JOSÉ MANUEL ZAPICO

Secretaría general de CCOO de Asturias

Asturies xuégasela, tenemos pocu tiempu y munchos retos. Por eso tamos güei equí. A lo llargo los últimos meses tuvimos trabayando por un ampliu y ambiciosu alcuerdu, que pon enriba la mesa midíes, proyectos y acciones empobinaes a dar respuesta a los problemes y retos d'Asturies.

Lluchar escontra'l paru y la precariedá llaboral ye la prioridá de Comisiones Obreres y pa ello habrá un plan de choque escontra'l desempleu dirixíu especialmente a mueres, mayores de 45 años en paro de llarga duración y persones moces.

La industria foi siempre la columna vertebral de la economía asturiana y queremos que siga siéndolo. Por eso tenemos que reforzar el so papel tractor, y enfotanos en que lo faiga produciendo valor añadíu y, sobre too, atrayendo y calteniendo'l talentu y el conocimientu que tenemos na nuesa propia tierra. Equí tamién habrá midíes pa llogralo, p'aprovechar les oportunidaes y apreciar el talentu de la xente de nueso y de la que pueda venir.

Asturies tendrá, per primer vegada na so historia autonómica, un fondu pa facer vidable la participación pública en sectores y empreses estratéxiques. Ye un primer pasu importante pa tener una ferramienta llamada a xugar un papel decisivu na creación d'empléu y pa desenvolver un texíu económicu que tenga raigón n'Asturies.

Habrà ayudes empresariales y midíes pa facilitar la inversión y la creación d'empléu, pero tamién controles pa torgar que se repitan los vieyos errores y que dalgunos s'aprovechen d'ello.

Pa llogralo, comprometense más de 1.150 millones pa desarrollu económicu, pa facer un apuesta pola industria, l'empléu y la formación.

El futuru pasa por avanzar n'igualdá. Nos vinientes cuatro años tenemos qu'algamar qu'Asturies dexa de ser la comunidá autónoma con mayor brecha salarial.

Amás, apostamos por reforzar el papel de les Axentes Delegaes d'Igualdá, pa garantizar tolerancia cero col acosu sexual nel trabayu. Fai cuatro años llogramos ser la primer Comunidá en tener esta figura y agora vamos seguir avanzando pa enanchar les sos competencias porque hai muchu llabor por facer.





comisiones obreras de asturias
comisiones obreres d'asturies

Asturies tien que blindar los sos servicios públicos, baxar les llistes d'espera en sanidá, asina como nel reconocimientu del grau de discapacidá, movilizar más recursos pa reforzar la salú mental, meyorar la nuesa educación pública, afrontar l'avieyamientu y garantizar la calidá de vida de toles persones si nos pruye ser de verdá tierra de futuru.

Pa esti llogru hai más de 3.000 millones comprometíos y ficiéronse avances como la iniciativa pa ufrir comedores escolares a los Institutos de Secundaria y de FP o la apertura de los comedores escolares en xunu y setiembre porque les families tamién necesiten facer conciliación nesos meses.

Toles persones tienen derechu a ser cuidaes cuando lo necesiten, pero esos cuidaos nu puen nin deben recayer una vegada más sobre les muyeres. Por eso nos comprometemos a trabayar pa llograr cuanto enantes un Pautu Social polos cuidaos, entendiendu qu'estos deben formar parte del Estáu del Bienestar.

Arriendes d'ello, habrá un plan d'inversiones educatives p'anovar los nuegos institutos y colexos y compromisos pa que la Formación Profesional seya un apueste estratéxicu con una ufierta educativa propia del sieglu XXI. Tamién pa que la Universidá siga siendo la fábrica de conocimientu qu'Asturies necesita.

Quixere destacar que ye necesario atender a les situaciones de mayor vulnerabilidá, atender a les persones trabayadores con ingresos que nun son abondo como pa cubrir determinaes necesidaes básique, d'ehí que llográremos comprometer una xuba del Salariu Social Básicu, al menos al 80% del IPREM, pa protexer a les persones que más lo necesiten.

Hemos llograr qu'Asturies seya un territoriu llibre de muertes nel trabayu. Acabamos de vivir una selmana negra y faise urxente actuar. Equí hai dalgunes propuestes, pero ye urxente que'l Principáu tome determináu y ponga en marcha midies, como dicimos, con calter d'urxencia.

Llogramos avances pa protexer la salú y la vida, como'l programa Amiantu Cero pa desanicialu de polígonos industriales, colexos, hospitales y otros edificios. Hai que lluchar escontra esti peligru invisible que provoca cáncer y muerte.

Tamién se nos llogró dar primer pasu pa encariar el retu que supón la Intelixencia Artificial nes rellaciones llaborales porque somos sabedores que los algoritmos puen tener efectos dañibles y hai que garantizar que nun se conviertan en máquines de control, explotación y discriminación nos centros de trabayu.

Estes son dalgunes midies que s'amiesten a esti gran alcuertu que constitúi un exerciciu de responsabilidá y un apueste pola estabilidá pa qu'Asturies aproveche toles oportunidaes. Agora nun hai xides que valgan.

Asturies tien que pasar de les pallabres a los fechos. Esti ye un alcuertu que consideramos de mínimos y qu'habría ser superáu pola realidá y la xestión del gobiernu nos vinientes cuatro años.

Pa Comisiones Obreres el diálogu social ye una ferramienta d'enorme importancia porque permite defender les polítiques públiques que necesita la mayoría social d'Asturies, les persones que se levanten tolos díes pela mañana, pa facer vidables les obres y los proyectos, les persones que s'encarguen de la educación y la sanidá o que cuiden a la xente que más lo necesita.

Toes nosotres, les persones corrientes que tenemos que trabayar pa poder vivir, porque dependemos de los nuegos salarios y, non de rentes nin grandes patrimonios, necesitamos alcuertos, como'l que roblamos güei. Con ello, separámonos del ruíu y del odiu, de los agravios que ximielga la derecha y la ultraderecha, y buscamos l'entendimientu que dexa avanzar en derechos ya igualdá y, con ello fortalecemos el nuesu sistema democráticu.

CCOO**comisiones obreras de asturias**
comisiones obreres d'asturies

A Avanzar en derechos, meyorar los salarios, combatir la desigualdá, desanicar l'abusu y el fraude, lluchar escontra la precariedá llaboral y blindar la seguridá y salú llaboral son oxetivos y principios rectores de les muyeres y los homes de les Comisiones Obreres d'Asturies.

Ye por ello que tenemos la responsabilidad y la obligación de meyorar les condiciones de vida de les asturianos y los asturianos porque'l papel de los Sindicatos nun pue quedar llendáu a los centros de trabayu.

Nun ye retórica. La historia recién d'Asturies amuésalo. Equí los alcuerdos ente sindicatos, patronal y Gobiernu formen parte de l'axenda política de magar fai décadas; sorrando la importancia del diálogu social, de la negociación y del alcuerdu en beneficiu de los y les trabayadores.

Voi finando yá les mios pallabres:

Asturies necesita una estratexa de futuru pa seguir avanzando en derechos y bienestar, necesita invertir n'educación, sanidá y cuidaos, necesita avanzar n'igualdá y encariar el retu demográficu o da-y puxu a la emancipación xuvenil...

Esti alcuerdu supón garantizar que, a lo llargo los vinientes cuatro años, Asturias va caminar na dirección correcta.

